

ATSACIBU gròmotiņa




Izdewe tipografija „DORBS un ZINIBA“,
Rezeknē. L. Nikolaja ila № 38.

Drukoja tipografija „Dorbs un Ziniba“, Rezeknē.

Libellum „Atsacibu gromotiņa“ diligenter perspexi ac nil
contra fidem et mores inveni.

Rezekne. Die 12. martii 1923. a.

G. Karkle, S. Theol. Cand.
Censor librorum



L. S.

Imprimatur.

Antonius Episcopus

Datum Aglonae
die 15. martii 1923. anni.

Atsacibu gròmotiņa.

Ikš wòrda Diwa Tawa un Dála un swàta Gora. Amen.

Tàws myusu, kurs esi debesis swètets, lai top Towš wòrds; lai atnòk Towa waļstiba; Towa waļa lai nūteik, kai debesis, tai un wèrs zemes. Myusu dinišku maizi dūd' mums šudin, un atlaid' mums myusu poròdus, kai ari mes atlaižam sowim poròdnikim, un naiwed myus kárdynošonā, bet atpestej myus nu ļauna. Amen.

Sweicynota esi tu, Marija, pylna žēlestibas, Kungs Diws ir ar Tewim, tu esi swētīga storp wysom siwitem un swetets ir Towas misas auglis, Jezus. Swàta Marija, Diwa Mòte, lyudz Tu Diwu par mums grècinikim tagad un myusu nùmèršonas stundē. Amen.

Es tycu ikš Diwa Tawa, wyswarīga dabasu un zemes Raditòja; un ikš Jezus Kristus, Wiņa winīga Dála, myusu Kunga, Kurs ir ijemts nu Šwàta Gora, pidzimis nu Jumprowas Marijas, cītis zam Poncija Pilata, krystā pikolts, nūmiris un paglobots; nūkòpis ir elnē, trešā dinā augšan cēlīs nu myrūnim, uzkòpe dabasūs, sēd pa lobai rúkai Diwa Tawa wyswarīga; nu turīnes atnoks tīsot dzeiwus un numyaušus; es tycu ikš Swàta Gora, swàtas katoliskas Baznicas, swātù draudzibas, grāku atlaisšonas, misas rugšan ceļšonos un myužigas dzeiwošonas. Amen.



Par Dìwu un radibom.

Waicojums: Kù ikkotram cylwàkam wyspyrms wajaga zynot?

Atbilde: Ikkotram cylwàkam wyspyrms wajaga zynot, deļ kò jù Diws ir radejis.

Deļ kò Diws ir radejis cylwàku?

Diws ir radejis cylwàku deļ tò, ka cylwàks Dìwu pazeitu, miļotu, gùdynotu un Jam kolpotu un péc ar Jù myužigi debesīs dzeiwotu.

Kòdeļ mums wajaga Dìwu miļot, gùdynot un Jam kolpot? Mums wajaga Dìwu miļot gùdynot un Jam kolpot tòdeļ, ka Diws ir myusu Raditòjs, Kungs un Glóbejs.

Kù Diws dús taidim ļaudim, kuri Jù miļoj, gùdinoj un Jam kolpoj?

Taidim ļaudim Dìws dús dabasu waļstibu.

Kù Diws padāris tim, kuri Jo namiļoj un Jam nakolpoj? Taidus ļauds Dìws nùstròpes ar elnes guni.

Kas ir Diws?

Dìws ir piļnigs Gors, dabasu un zemes raditojs.

Woi Dìwam ir isókums?

Dìwam naw ni isókuma, ni gola, par tú ka Dìws ir myužigs.

Kur ir Dìws?

Dìws ir wysur: dabasûs, wèrs zemes un ikkotrá witá.

Kòdeļ mes Dìwa naradzam, jo Jis wysur ir?

Tòdeļ mes Dìwa naradzam, ka Jis ir teirs Gors un Jam naw misas.

Woi Dìws myus redz?

Dìws redz myus un wysus myusu dorbus, dzèrd myusu wòrdus un zyna wysas myusu dūmas.

Cik ir Diwu?

Diws ir wins trejôs personôs.

Kai tôs trejs Diwiskas Personas saucam?

Trejs Diwiskas Personas saucam: Diws Tāws, Diws Dāls un Diws swātajs Gors.

Kai nūsaucam trejs Diwa Personas ar wīnu wõrdu?

Trejs Diwiskas Personas ar wīnu wõrdu nūsaucam par Wysuswātoku Trejadibu.

Kura nu tom trejom Personom palyka par cylwāku?

Par cylwāku palyka ūtra Diwa Persona, tys ir Diws Dāls.

Kai mes saucam tū Personu, kura palyka pa cylwāku?

Tū personu, kura palyka par cylwāku, mes saucam par Kungu Jezu.

Woi tagad Kungs Jezus ir Diws, woi cylwāks?

Kungs Jezus tagad ir eistyns Diws un eistyns cylwāks.

Woi Kungam Jezum beja isókums?

Kungam Jezam kai Diwam nikod nabeja isókuma, bet kai cylwākam beja isókums.

Kod Kungs Jezus palyka par cylwāku?

Kungs Jezus tūlaik palyka par cylwāku, kad pije-me misu nu Jumprowas Marijas.

Kas beja swātajs Jezups?

Swāts Jezups beja Wysuswātokas Jumprowas Marijas un K. Jezus glóbējs.

Kur pidzima Kungs Jezus?

Kungs Jezus pidzima Betlejemas mistiņā, nabadzi-gā staliti.

Kod mes swētejam Kunga Jezus Pidzimšonas dinu?

Mes swētejam Kunga Jezus pidzimšonas dinu Zimas swātkūs.

Kù padareja Kungs Jezus, kad Jam beja 30 godu?
Tùlaik Kungs Jezus nu swàta Jòna Kristitoja Jor-
dana upê pijème kristibu.

Kù wèj dareja Kungs Jezus, dzeiwodams wèrs šòs zemes?
Jis móceja ļaudis, atlaide jim grākus un slymus
dareja wasalus.

Kas Kungam Jezum paleidzēja slúdynot Ewangelijumu?
Apostoli.

Cik Kungam Jezum beja apostolu?
Kungam Jezum beja 12 apostolu.

Kur nùmyra Kungs Jezus?
Kungs Jezus nùmyra uz Kaļwarijas kolna.

Kaidâ nowê Kungs Jezus nùmyra?
Kungu Jezu žeidi pikola pi krysta.

Par kò grākim Kungs Jezus nùmyra?
Kungs Jezus nùmyra par myusu grākim, lai myus
izpestet nu myužigas pazusšonas.

Kod mes swētejam Kunga Jezus cisšonas dinu?
Kunga Jezus cisšonas dinu mes swētejam Lelajā
Piktdinē?

Kod mes swētejam Kunga Jezus augšamcelšonos dinu?
Kunga Jezus augšamcelšonós dinu mes swētejam
Leļdinē.

Par Diwa radibom.

Kòdeļ Diwu saucam par Raditoju?
Diwu saucam par Raditòju todeļ, ka Jis radeja
dabamus, zemi un wysas litas, radzamas un na-
radzamas.

Kù zeimoj wòrds radit?
Wòrds radit zeimoj pataisit kaidu litu ni nu kò.

Kai Diws radeja pasauli?

Diws radeja pasauli ar winu sowu warigu wòrdu „Lai nùteik“.

Woi kas nùteik pasaulê bez Diwa waļas?

Pasaulê nikas nanùteik bez Diwa waļas?

Woi tad gràks ari nùteik ar Diwa waļu?

Na! gràks nòk nu cylwàka ļaunas waļas.

Kas ir cylwàks?

Cylwàks ir Diwa radejums, kas sastòw nu dwèseles un misas

Kas ir cylwàka dwèsele?

Cylwàka dwèsele ir namèrstušs gors, apdòwynots ar pròtu un breiwu waļu.

Woi cylwàka mīsa mèrst?

Cylwàka mīsa merst.

Woi cylwàka dwèsele mèrst?

Cylwàka dwèsele nikod namèrst.

Cik cylwàku Diws radeja?

Diws radeja diwi cylwàkus: Odumu un Iwu.

Kai Diws jūs radeja?

Oduma misu Diws radeja nu zemes. Un pec tò idwese namèrstīgu goru, dwèseli. Diws nulaide uz Odumu gryutu mīgu, izjeme jam sònkauli un radeja Iwu.

Kaidus Diws radeja pyrmūs cylwàkus?

Diws jus radeja taisnīgus un namèrstūšus.

Kur Diws iwītoja pyrmūs cylwàkus?

Diws jus iwītoja paradīzes dōrza.

Wai Diws atļowe jim èst augļus nu wysim tò dōrza kùkim?

Diws jim atliowe est augļus nu wysim kùkim, tikai nu ļauna un loba pazeišonas kùka aizlidze èst augļus.

Woi Odums un Iwa palyka Diwam paklausīgi?

Nā, ji sagrākoja, pòrkòpdami Diwa pisacišonu.

Kaidš tad beja pyrmù cylwàku gràks?

Ji ède nu aizligtò kùka augli.

Kai Diws nùstròpeja pyrmùs cylwàkus par Jò waļas pòrkòpšonu?

Diws jùs nùstròpeja pi dwèseles un misas.

Kai Diws jùs nustròpēja pi dwèseles?

Diws jim atjème sowu žēlestibu, atjème tisibu uz dabasu waļstibu un nuspride uz myžigom mùkom eļnes guni.

Kai jùs Diws nùstròpeja pi misas?

Pi misas Diws jùs nùstròpeja ar wòrgim, slimibom un nòwi, un padzyna nu paradizes.

Kai tū gràku saucam, kurà ikrita Odums un Iwa?

Tū gràku saucam par idzymtu gràku.

Par kù šù gràku mes saucam par idzymtu gràku?

Mes jù saucam par idzymtu gràku par tū, ka jis pòrit uz mums wysim, ka wysi ar tū dzymstam.

Kas byutu nùticis ar cylwàku, jò Diws nabyutu apsažalojis uz jù péc ikriššonas gràkâ?

Jò Diws nabyutu apsažalòjis, mes wysi byutu myžam pazudynoti.

Kaidu žēlestibu Diws paròdeja ļaudim?

Diws ļaudim apsùleja Pestetòju.

Par Engelim.

Woi Diws radeja tikai radzamu pasauli?

Nā, Diws wéļ radeja lelu pulku naradzamu Engeļu.

Kas tys ir Engeļš?

Engeļš ir teirs gors, kuram ir pròts un waļa, bet naw misas.

Deļ kò Diws radeja Engeļus?
Diws radeja Engeļus dēl sowa gūda un cylvāka
lobuma.

Woi wysi Engeļi palyka lobi un Diwam paklausigi?
Ná, na wysi: daudz Engeļu caur lepnību sagra-
ja un tyka padzeiti nu dabasim uz eļni.

Kai saucás šī ļauni engeļi?
Šī ļauni engeļi saucás par walmim woi naškeistim
gorim.

Woi naškeists gors dora cylvakam kaidu ļaunu?
Ja: naškeistajs gors mūdynoļ cylvāku uz grāku.

Woi lobi Engeļi dora mums kū lobu?
Lobi engeļi sórgoļ myus nu nalaimes, mūdynoļ
uz lobu un lyudz par mums Diwu.

Woi kotrām cylvakam ir sows engeļs sorgs?
Ja, kotram cylvakam ir sows engeļs sorgs.

Par Diwa bauslibom.

Kas tys ir Diwa bauslibas?
Diwa bauslibas ir pasludynota Diwa wāļa, kuru
ļaudim wajaļ piļdit.

Cik ir Diwa bauslibu?
Diwa bauslibu ir desmit.

Desmit Diwa bauslibu.

Pyrmò: Es asmu Tows Diws un Kungs, tew na-
byus swešu diwu turet priķš manis.

Utrò: Tew nabyus Towa Diwa Kunga wòrda
napatiši wolkot.

Trešò: Tew byus swātdinas swētet.

Catūrtò: Tew byus sowa tāwu un mòti guda
turet.

Piktò: Tew nabyus nùkaut.

Sastò: Tew nabyus laulibu pòrlauzt.

Septitò Tew nabyus zagf.

Ostoitò: Tew nabyus napatisu licibu dút pret
towu tywókù.

Dewitò: Tew nabyus ikòrot towa tywokò siwu.

Dasmytò: Tew nabyus ikòrot towa tywokò ni
noma, ni kolpa, ni kolpyunes, ni wèrša, ni wysa
monta, kas jam pidar.

Tew byus miłot towu Kungu Diwu nu wysas sirds,
pròta un spàka un sowu tywokù kai pots sewi.

PYRMO DÌWA BAUSLIBA:

„Tew nabyus swešu Diwu turet priks Manis“.

Kù mums pisoka pyrmo Diwa bausliba?

Pyrmo Diwa bausliba mums pisoka: atzeit, miłot,
gùdynot tik winu patisigu Diwu, dabasu un ze-
mes Raditóju.

Kai mums wajaga miłot Diwu?

Mums wajaga Diwu miłot nu wysas sirds, pròta
un spàka:

Kai mums wajaga miłot tywoku?

Tywokù wajaga miłot kai pašim sewi.

Kas ir myusu tywokajs?

Myusu tywokajs ir ikkotrs cylwàks.

Ku Diws mums aizlidz caur pyrmù bauslibu?

Caur pyrmù bauslibu Diws mums aizlidz ticet sap-
nim, diwredzet, burt, mest kartòs un kolpot alkim.

Kas ir alki wai sweši Diwi?

Alki ir raditas litas, kuras ļauds atzeist par Diwu.

Kai taidus ļaudis mes saucam, kuri kolpoj alkim?
Taidus ļaudis, kuri kolpoj alkim, mes saucam par
pogõnim.

Woi ir wairok patisigu Diwu?

Naw: Diws ir tik wins winigajs.

Cik ir eistu ticibu?

Kai wins ir eistyns Diws, tai wina ir eistyna ticiba?

Kura ir tej eistyno nu Kunga Jezus istatita ticiba?

Tej ir Katoļu ticiba.

ŪTRŌ DIWA BAUSLIBA:

„Tew nabyus Diwa Towa Kunga worda napatļi wolkot“.

Ku mums aizlidz Diws darit caur utru bauslibu?

Caur ūtru bauslibu Diws mums aizlidz: bez wjadzibas
Diwa wõrdu minet, saimot, lódet un nataisnigi
zwèret.

Ku zeimoj words saimot?

Saimot — zeimoj napiklojigi runot par Diwu un
swatom litom.

Kas ir zwèret?

Zwèret ir Diwu saukt par liciniku, ka gribam rò-
dit taisnibu.

Woi ir breiwi zwèret?

Zwèret ir breiwi tik taisnigā un swarigā lita.

Kas zwèrej nataisnigā litā, woi lelu peļnej grāku?

Kas nataisnigā litā zwèrej, tys peļnej lelu nõwigu
grāku.

Ku pisoka darit utrò Diwa bausliba?

Utrò Diwa bausliba pisoka gudynot Diwa wõrdu.

TREŠŌ DIWA BAUSLIBA:

„Tew byus swātdinu swètet“.

Ku pisoka trešò Diwa bausliba?

Trešò Diwa bausliba pisoka swètet swātdinu.

Ku aizlidz trešò Diwa bausliba?

Trešò Diwa bausliba aizlidz swatdínòs strodot gryutu misas dorbu.

CATURTÒ DIWA BAUSLIBA:

„Tew byus towu tàwu un mòti gùdà turet, ka tew labi klòtùs un ilgi dzeiwotu wèrs zemes“.

Ku pisoka caturto Diwa bausliba?

Catùrtò Diwa bausliba pisoka, ka mes sowus dzymdynonotojus gùdà turatu.

Kod bàrni tur gùdà sowus dzymdynotojus?

Bàrni tur gùdà sowus dzymdynotojus, kad jùs miļoj, jùs klausa, wacumà jim paleidz un jùs baroj.

Woi wysod wajaga klausit dzymdynotojus?

Dzymdynotòjus wajaga klausit, kad ji móca kù lobu. Kad dzymdynotoji móca kaidu ļaunu dorbu darit, woi war jus klausit?

Nà, jo dzymdynotòji móca pi ļauna, nikod nadreikst jùs klausit.

Ku wēļ caturto bausliba pisoka cinet un klausit?

Catùrtò Diwa bausliba pisoka cinet un klausit baz nickungus, gorigù un laicigù wèrsibu.

Ku Diws apsulej tim bàrnim, kuri pylda itu bauslibu?

Dìws taidim bàrnim apsulej laimigu un ilgu dzeiwi wèrs zemes.

Ku wēļ pisoka caturto Diwa bausliba?

Caturtò Diwa bausliba pisoka kolpim un kolpyuņem klausit sowu saiminiku, labi jim wèlet un darit.

Kaids ir saiminiku pinokums?

Saiminikam ir pinòkums ryupetis par kolpu diwabailigu dzeiwi un winim taisnigi olgu samoksot.

PIKTŌ DĪWA BAUSLIBA:

„Tew nabyus nukaut“.

Ku aizlidz pikto Diwa bausliba?

Caur piktu bauslibu Diws aizlidz teišu prōtu at-
jemt cylwākam dzeiwibu.

Woi sowu inaidniku war nunowet?

Nā, wyslelokū inaidniku naw breiwi nūnowet.

Woi war cylwāku sist un ju iwainot?

Nā, nawar.

Ku weļ aizlidz pikto Diwa bausliba?

Piktō Diwa bausliba aizlidz uz tywōkū dusmotis,
jū lōdet un darit jam kū ļaunu pi misas woi
dwēseles.

Woi ir lels grāks sew un cytam maitot weselibu?

Nui, ir lels grāks.

SASTŌ UN DEWITŌ DĪWA BAUSLIBAS:

„Tew nabyus laulibas pōrlauzt“. „Tew nabyus lkōrot towa ty-
wōkō slwu“.

Ku aizlidz Diws sastā un dewitā bauslibā?

Šimōs diwejōs bauslibōs Diws aizlidz nakaunigas
dūmošonas, gribešonas, wōrdus un dorbus.

SEPTITŌ DĪWA BAUSLIBA:

„Tew nabyus zagt“.

Kas ir zaglis?

Zaglis ir tys, kas bez atļaušonas slapyn pajem
sew swešu litu.

Woi ir grāks pikrōpt (apmonit) cylwaku pi pordušonas,
pērķšonas un meišonas.

Ir taidš pat grāks, kai i zagšona.

Woi ir breiwi sew paturet nūzogtu litu?

Naw breiwi nūzogtu litu sew paturet,—jū wajaga
atdūt tam, kam jej pīdar.

Woi ir breiwi cylvākam darit kaidu zaudējumu?

Naw breiwi.

Kas ir jodora tam, kas nuzoga, woi zaudējumu tywokam padareja?

Zaudējumu wajaga atļeidzynot, un zогtù litù wajaga atdút.

Ku aizlidz septito Diwa bausliba?

Septitò bausliba aizlidz zagšonu un nataisnigu tywòkò monta aizturešonu.

Ku jodora ar atroštu litu?

Jù wajaga atdút ipašnikam.

OSTOITŌ DĪWA BAUSLIBA:

„Tew nabyus napatīsu licibu dūt pret towu tywòkù“.

Ku mums lidz ostoito Diwa bausliba?

Ostoitò Diwa bausliba lidz: nataisnigu licibu, malošonu, aprunošonu un apmalošonu.

Kas ir aprunot?

Aprunot ir bez wajadzibas stóstit cytim par tywòkò padaritim ļaunim dorbim un wójumim.

Kas ir apmalot?

Apmalot ir par tywòkù izdaudzynot taidus ļaunus dorbus, kurus jis naw darejis.

Kas tam jodora, kas tywoku aprunoja, woi jam gùdu nulaupeja.

Taidam wajaga izlobot tywòkò gùdu.

DASMYTO DĪWA BAUSLIBA:

„Tew nabyus ikorot towa tywòkò ni nomu, ni kolpu, ni kolpyuni, ni wèrsi, ni wysu montu, kas jam pldar“.

Ku mums Diws aizlidz caur dasmytu bauslibu?

Caur dasmytù bauslibu Diws mums aizlidz na tik ļaunus dorbus, bet ari ļaunas dūmas un skaust tywokam montu.

Par Baznicas bauslibom.

Cik ir Baznicas bauslibu?

Baznicas bauslibas ir picas:

P y r m ò: Tew byus nu Baznicas pastatitas swàt'ku dinas swètet.

U t r ò: Tew byus swàtdinòs un swàtku dinòs swàtu Mišu gùdigi klausit.

T r e š ò: Tew byus gawejamas dinas gawet.

C a t u r t ò: Tew byus wysmozokajs reizi godà ap Leldinas laiku izsyudzet grakus, it pi Diwa Golda.

P i k t ò: Tew byus aizligtà laikà kòzu nataisit.

Par ku tos bauslibas saucam par Baznicas bauslibom?

Par tū jos saucam par Baznicas bauslibom, ka jòs istateja Swàta Katoļu Baznica.

Kas ir Swàta Katoļu Baznica?

Swàta Katoļu Baznica ir kristitu ļaužu sawiniba, kuri atzeist winu ticibu, pijem tūs pašus Swàtus Sakramentus un pastòw zam Ròmās Tàwa wèrsibas.

Kas istateja Swàtu Katoļu Baznicu?

Swàtu Katoļu Baznicu istateja pats Kungs Jezus Kristus.

Cik Baznicu istateja Kungs Jezus?

Kungs Jezus istateja tik winigu Swàtu Katoļu Baznicu.

Jo Kungs Jezus istateja tik winigu Katoļu Baznicu, nu kurines cèlés cytas Baznicas?

Cytas Baznicas cèlés caur Kunga Jezus mócibas nasaprasšonu, woi caur ļaunu cylvàku pròtu.

Ku pastateja Kungs Jezus par sowu witiniku un Baznicas golwu wèrs zemes?

Par sowu witiniku un Baznicas golwu Kungs Jezus pastateja swàtu Romas Tàwu.

Kas beja pyrmajs Romas Tàws?

Pyrmajs Romas Tàws beja swàtajs Pìters.

PYRMO UN UTRÒ BAZNICAS BAUSLIBAS:

Ku mums pisoka pyrmo Baznicas bausliba?

Pyrmo Baznicas bausliba mums pisoka swàtku dinas swètet tai pat kai swàtdinas.

Ku pisoka utro Baznicas bausliba?

Utrò Baznicas bausliba mums pisoka swàtdinēs un swàtku dinōs sw. Mišu pinòcigi klausit.

TREŠO BAZNICAS BAUSLIBA:

Ku pisoka trešo Baznicas bausliba?

Trešò Baznicas bausliba pisoka gawēna dinas gawet.

Kas jodora tam, kas nawar gawet?

Tam nu sowas gorigas wèrsibas wajaga lyugt atļaušonu ést aizlìgtus édiņus.

CATURTO BAZNICAS BAUSLIBA:

Woi ir lels graks porlaist Leldinas graku syudzešonu?

Pòrlaist Leldinas gràku syudzešonu ir lels, nówigs gràks.

PIKTO BAZNICAS BAUSLIBA:

Kaidâ laikâ Baznica lidz kozas taisit?

Swàta Baznica lidz kòzas taisit adwenta un gawēna laikâ.

Četras pádejas litas:

- 1) Nowe.
- 2) Diwa tisa.
- 3) Elnes mukas.
- 4) Myužiga dzeiwe dabasu wajstibâ.

Kas ir nòwe?

Nòwe ir dwèseles atsaškèršona nu misas.

Kas nuteik ar cylwàka dwèseli pèc nowes?

Cylwàka dwèsele pèc nówes tyulen stójas pi Diwa tisas.

Kur it dwèsele pèc Diwa tisas?

Pec Diwa tisas dwèsele it woi uz dabasim woi uz slaucamu guni, woi uz eļni.

Kaidas dwèseles it uz dabasim?

Uz dabasim it tū ļaužu dwèseles, kas pèc Kristibas nimos naw grākòjuši, woi par sowim gràkim Diwa taisnibai wysà ir gondarejuši.

Kaidas dwèseles it uz slaucamu guni?

Uz slaucamu guni it tū ļaužu dwèseles, kas škiràs nu šòs pasaules ar ikdiniškim gràkim, woi kas pèc lobas gràku syudzešonas naw wysà gondarejuši Diwa taisnibai.

Kaidas dwèseles it uz eļni?

Uz eļni it tòs dwèseles, kuras škiràs nu šòs pasaules ar naatlaistu nówigu gràku.

Woi dabasu pricai byus kod gols?

Ná, gola nikod jai nabyus.

Woi eļnes mukom byus kod gols?

Ná, eļnes mukom myužam nabyus gola.

Woi slaucamai (škeistišonas) gunei byus kod gols?

Slaucamai gunei byus gols tūlaik, kad cylwàks jau wysà byus gondarejis Diwa taisnibai.

Par gràku.

Kas ir graks?

Gràks ir teiša Diwa un Baznicas bauslibu pòrkópšona.

Cikaidis ir grāks?

Grāks ir diwejaidis: idzymts un padarits.

Kas ir idzymts grāks?

Idzymts grāks ir tys, kuru paradizē padareja Odums ar Iwu un kurs caur dzimšonu uz wysim ļaudim pòrit.

Woi wysi ļaudis dzymst ar tū grāku?

Wysi dzymst ar idzymtū graku, tikai Wysuswātoka Jumprowa Marija dzyma bez tò grāka.

Kas ir padarits grāks?

Padarits grāks ir tys, kuru cylwāks pats padora.

Woi padariti grāki wysi ir winaidi?

Nā, na wysi winaidi, cyti ir nówigi, cyti ikdiniški.

Kas tys ir nówigs grāks?

Nówigs grāks ir teiša Diwa woi Baznicas bauslibu pòrkopšona lelā litā.

Kū zaudej cylwāks caur nówigu grāku?

Caur nowigu grāku cylwāks zaudej Diwa želestibu un peļnej myužigu pazusšonu.

Kas ir ikdinišks grāks?

Ikdinišks grāks ir Diwa woi Baznicas bauslibu pòrkópšona mozā litā.

Kai cylwāks war grākot?

Cylwāks war grākot ar dūmom, wòrdim un dorbim.

Woi ikkotra ļauna padūmošona, kura nòk pròtā, ir grāks?

Grāks ir tik taida ļauna padūmošona, ar kuru cylwāks teišam kawejas.

SEPTIŅI GOLWONI GRĀKI.

1. Lepniba,
2. Progoriba,
3. Naškeistiba,
4. Skaudiba,
5. Nagausiba,
6. Dusme,
7. Natykums Diwa kolpošonā.

SEŠI GRAKI PRET SWĀTU GORU.

1. Uz Diwa žēlestību pasaļaudams grākot,
2. Naturet ceribas uz soweru pestešonu,
3. Atzeitai patisibai pretotis,
4. Diwa žēlestību tywókam skaust,
5. Pestigu pamócišonu atmest,
6. Grāku waidešonu atlikt leidz nówei.

DEWIŅI SWEŠI GRĀKI.

1. Cytam grākot likt,
2. Dūt padūmu uz grāku,
3. Cytam grākot atļaut,
4. Uz grāku skubynot,
5. Pi grāka paleidzet,
6. Jemt dalību pi sweša grāka,
7. Par swešu grāku kluset,
8. Waradams sweša grāka naaizkawet,
9. Swešu grāku slēpt.

GKĀKI KURI SAUC UZ DABASIM PEC ATRĪBŠONAS.

1. Teišam cylwāku nūkaut,
2. Sodomas grāks,
3. Nabogus un bōriņus apspīst,
4. Kolpim un olgodžim nūpeļnitū olgu aizturet.

Par Swātim Sakramentim.

Kas ir Sakraments?

Sakraments ir radzama, nu Kunga Jezus istatita zeime, caur kuru dabojam naradzamu Diwa žēlestību.

Kas istateja Swātus Sakramentus?

Swātus Sakramentus istateja pats Kungs Jezus.

Cik sakramentu Kungs Jezus istateja?

Kungs Jezus istateja septiņus Sakramentus:

1. Kristiba,
2. Istyprinošona,
3. Diwa Misa un Asnis,
4. Grāku waidešona,
5. Postora swētiba,
6. Baznickungu iswētešona,
7. Lauliba.

PAR KRISTIBAS SAKRAMENTU.

Kurs Sakraments ir wyswajdzigokajs?

Wyswajadzigokajs ir Kristibas Sakraments.

Kōdēļ Kristibas Sakraments ir wyswajdzigoks?

Kristibas Sakraments ir wyswajadzigoks todeļ, ka bez Kristibas cylwāks nawar hvut izpestets.

Kaidu žēlestibu dūd Kristibas Sakraments?

Kristibas Sakraments nūceļ idzymtu grāku un wysus cytus grākus, pyrms kristibas pādaritus.

Kas war kristit?

Kristit war weiskupi, baznickungi un wajadzibas laikā kotrs cylvāks.

Kai wajaga kristit?

Wajaga lit yudini bārnām uz golwas un sacit^s tus wordus: „Es, (pim.) Jōņ, tewi krystu ikš wōrda Tāwa, un Dāla un Swāta Gora.

Kas war byut par krysttāwu un krystamoti?

Par kristtāwu un kristamoti war byut tik katoļi un gūdigi ļaudis.

Cik reižu dzeiwē dreikst pījemt kristibu?

Tik winu reizi.

PAR ISTYPRINOŠONAS SAKRAMENTU.

Kas ir Istyprinošona?

Istyprinošona ir Sakraments, kurs cylvāku styprinot ticībā un dud Sw. Gora downas.

Kaidas ir Swato Gora downas?

Swatō Gora downas ir: 1) Gudriba, 2) Prōts, 3) Padums, 4) Ziniba, 5) Drušiba, 6) Padiwiba un 7) Diwa baile.

Kas war styprinot?

Styprinot war weiskups.

Kas war pījemt Istyprinošonas Sakramentu?

Istyprinošonas Sakramentu war pījemt tys, kas ir kristits un uz dwēseles nātur nowiga grāka.

Cik reižu war pījemt Istyprinošonu?

Istyprinošonu war pījemt tik winu reizi.

Kas pi Istyprinošonas war byut par krysttawu woi krystamoti?

Pi Istyprinošonas par krysttawu woi krystamoti war byut tik tys, kas ir istyprinots un gudigs cylwaks.

Par Graku Waidešonas Sakramentu.

Kas ir Graku Waidešona?

Graku Waidešona ir nu Kunga Jezus istatits Sakraments, caur kuru dabojam graku atlaisšonu. Kas cylwakam jodora, ka dabot graku atlaisšonu.

Ka dabot graku atlaisšonu, cylwakam wajaga izpiłdit picas graku waidešonas daļas.

Kaidas ir tos picas graku waidešonas daļas?

1) Grakus salasit, 2) Par grakim nužalot, 3) Apsajemt wairs nagrakot, 4) Grakus izsyudzet, 5) Gondarit Diwam un tywokam.

SIRDSAPZIŅAS IZMEKLEŠONA.

Kas tys ir sirdsapziņu izmeklet?

Sirdsapziņu izmeklet ir atminet vysus pēc padejas lobas graku syudzešonas padaritus grakus.

Kod wajaga sowu sirdsapziņu izmeklet?

Sirdsapziņu vajaga izmeklet pyrms graku syudzešonas.

Kas wēl ir jodora pi sirdsapziņas izmeklešonas?

Pi sirdsapziņas izmeklešonas vajaga atminet graku skaitli, lelumu un ļaunumu.

GRAKU NUŽALOŠONA.

Kas jodora pēc graku salasišonas woi sirdsapziņas izmeklešonas?

Pec graku salasišonas vajaga par jim sirnigi nužalot.

Kas ir nužalošona par grākim?

Nužalošona par grākim ir sirds sópe par padaritim grākim, ka mes a-am ar jim Divu apkaitynojuši.

Cikaida ir nužalošona par grākim?

Nužalošona par grākim ir divejaida: dabiska un pordabiska.

Kod nužalošona par grākim ir dabiska?

Nužalošona par grākim ir tulaik dabiska, kad mes nužalojam tikai aiz laicigom imeslem.

Kod nužalošona par grākim ir pordabiska?

Nužalošona par grākim ir pordabi ka tulaik, kad mes nužalojam par grākim aiz tōs ime-les, ka asam tik lobu Diwu apkaitynojuši un eļņi aizpel-nejuši.

Kaida ir vajadzīga nužalošona pi grāku syudzešonas?

Pi grāku syudzešonas ir vajadzīga pordabi-ka nu-žalošona.

Kās ir jodora pec grāku nužalošonas?

Pēc grāku nužalošonas vajaga stipri apsejemt vairs nagrakot un nu grāka imeslim sorgotis.

Kas var byut par grāku imesli?

Par grāku imesli var byut personas, vitas un ap-tokli, kuri cylvāku vad uz grāku.

Woi Diws atlaiž tam cylvākam grākus, kas nagrib atstot grāku imesļa?

Nā, kas naatstoj grāku ime ļa, tam nateik grāki atlaisti.

GRĀKU SYUDZEŠONA.

Kas tys ir grākus syudzet?

Grākus syudzet ir apvaiņot sevi nu sovim grākim pret baznickungu, lai dabot grāku atlaišonu.

Kaidai vajaga byut grāku syudzešonai?

Graku syudzešonai vajaga byut vaļsirdigai un pylnai.

Kod grāku syudzešona byus vaļsirdiga?

Graku syudzešona vaļsirdiga byus tulaik, kad grakus un ju apstokļu izsyudze-im tai, kai ir bejuši.

Kod grāku syudzešona byus pylna?

Graku syudzešona byus pylna tulaik, kad pasacisim baznickungam wysus grakus, nivina na lapdami.

Kas wēļ ir jodora pi grāku syudzešonas?

Pi graku syudzešonas vajaga pasacit, cik reižu novigu graku e i padareji.

Woi loba ir grāku syudzešona, jo esi aizmērsis nówigu grāku?

Taida graku syudzešona ir loba, tik nokušu reizi vajaga pasacit aizmerstū graku.

Woi byus loba grāku syudzešona, kad nówigu grāku aizkauna woi bailes paslēpsi?

Kad novigu graku teišu protu aizkauna voi bailes paslēpsi, taida grāku syudzešona byus slykta, svatzadziga.

Woi caur swātzagligu grāku syudzešonu cylvaks daboj grāku atlaisšonu?

Ná, nadaboj.

Kas jodora tam, kas pi grāku syudzešonas teišam paslēpe nowigu grāku?

Taidam pi nokušas graku syudzešonas vajaga pasacit par šitu slēpšonu gorigam tavam un par jaunu izsyudzet pagojušas syudzešonas graku.

Kas ir jodora, kad beigsi syudzet grakus?

Wajaga pasacit baznickungam: vairok graku napimiņu, par itim un vysim munim grākim sirsnigi

žaloju, apsajemu lobotis un tevis, gorigs tavš, jo
asu cinigs, lyudzu dut grāku atlaisšonu.

Kas ir jodora, kad baznickungs dūd grāku atlaisšonu?
Kad baznickungs dūd grāku atlaisšonu, tod vajaga
mūdynot sovā sirdī vūsleloku nužalošonu par
grākim, sist kryutis un sacit: „O, Dīvs Kungs!
esi želigš maņ grēcinikam!“.

Kas ir jodora pēc grāku syudžešonas?
Wajaga izpildit nu baznickunga uzlyktu gondari-
šonu par grākim.

GONDARIŠONA PAR GRAKIM.

Kas ir gondarit par grakim?
Gondarit par grākim ir izpildit tūs lobūs dorbus,
kurus baznickungs pi grāku syudžešonas uzlik.
Woi paši dreikstam pormeit nu baznickunga uzlyktu pi
graku syudžešonas gondarišonu par grakim?
Paši, bez goriga tāva ziņas, gondarišonas dorbu
nadreikstam pormeit.

Kod un kai ir joizpylda uzlykta gondarišona?
Gondarišona ir joizpylda tymā laikā un tai, kai
baznickungs ir uzlicis.

PAR WYSUSWĀTOKU SAKRAMENTU.

Kas ir Wysuswātokajs Sakraments?
Wysuswātokajs Sakraments ir eistyna Kunga Jezus
Kristus Misa un Asnis zam veina un maizes zei-
mem paslāpta.

Par kū šū Sakramentu saucam par Wysuswātoku Sakramentu?
Par tū, ka jīmā ir paslāpts, pats svātuma devejs,
Kungs Jezus Kristus.

Kod Kungs Jezus istateja Wysuswätoku Sakramentu?
Kungs Jezus istateja Vysusvätoku Sakramentu
Lelaja Caturdinē, pi pādejom Vakariņom.

Kai istateja Kungs Jezus tū Sakramentu?
Pi pādejom Vakariņom Kungs Jezus pajēme maizi
rūkōs, svēteja, lauze un deve apostolim, saci-
dams: „Jemit un ēdit, šej ir Muna Misa“. Pēc
pajēme bikeri ar veinu, svēteja un deve apo-
stolim, sacidams: „Dzerit nu jō vysi... Tys ir
Muns Asnis... kurs byus izlits dēļ grāku atlais-
šonas; dorat tū uz Munu pimiņu“.

Kas nūtyka, kad Kungs Jezus pi pādejom Wakariņom pa-
saceja: „Šej ir Muna misa... Tys ir Muns Asnis“?

Kad Kungs Jezus pasaceja tūs vōrdus, maize por-
sameja par eistynu Kunga Jezus Misu un veins
par eistynu Jo Asnī

Kam Kungs Jezus dewe varu pormeit maizi un weinu Sowā
Wysudōrgokā Misā un Asnī?

Kungs Jezus deve tū varu apostolim ar tim vōr-
dim: „Dorat tū uz munu pimiņu“.

Pēc apostolīm uz kū pōrgoja tej wara pōrmeit maizi un
weinu par Kunga Jezus Misu un Asnī?

Pēc apostolim vara pōrgōja uz veiskupim un baz-
nickungim.

Kod weiskupi un baznickungi dora tū breinigu maizes un
weina pormeišonu Kunga Jezus Misā un Asnī?

Ji tū dora svāta Miša laikā.

Kas tys ir swāts Mišs?

Svāts Mišs ir bezasniga Jauno Istódejuma upere,
kuramā Kungs Jezus caur baznickunga rūkom
par mums pats Sevi uperej Dabasu Tāvam.

Kas istanceja Swàtu Mišu?

Svàtu Mišu istanceja pats Kungs Jezus Kristus.

Kod Kungs Jezus istanceja Swata Miša uperi?

Kungs Jezus Svàta Miša uperi istanceja Lelajà Caturdinè, pi pádejóm vakariñom.

Kas palyka nu maizes un weina pèc jù pormeišonas Kunga Jezus Misà un Asni?

Nu maizes un veina pèc pormeišonas palyka tikai zeimes: gordums, boltums un opolums.

Kù mes pijemam wysswàtokà Sakramentà, pi Diwa Golda? Vysswàtokà Sakramentà mes pijemam dzeivu Kungu Jezu.

Woi pijemdami Wysuswàtoku Sakramentu zam maizes zeimes pijemam ari Kunga Jezus Asni?

Nui, pijamdami Kunga Jezus Misu zam maizes zeimem, pijemam reizè ari Jo Asni, jo kur ir dzeiva Misa, tur klòt ir i dzeivs Asnis.

Kas ir wadzigs, lai asam cinigi pijemt Wysuswàtoku Sakramentu?

Ir wadzigs sagatavot dvèseli un misu.

Kai ir wadzigs sagatavot misu?

Nu pušnaktim navajaga ni est, ni dzert, pidar ari piklójigok un teiropk apsàgerbt.

Kai wajaga sagatavot dweseli?

Vajaga izsyudzet sovus gràkus.

Kas ir jodora zam pašas Wysuswàtoka Sakramenta pijemšonas?

Vajaga nùskaitit: „Es grèciniks cylvàks“... Un mūdnot sovà sirdi vysleloku ticibu, ceribu un mílibu ùz Divu.

Kù wajaga darit, kad baznickungs paceļ Wysuswàtoku Sakramentu?

Tulaik wajaga nùsamest ceļus, pilikt golvu, sist kryu-

tis un sacit: „O Kungs Jezu! es naasmu cinigs, ka Tu itu munā sirdī, bet tik sok vōrdu, un byus izpesteta muna dvēsele“.

Kas ir jodora tyulen pēc Wysuswātoka Sakramenta pijemšonas? Pēc Wysusvātoka Sakramenta pijemšonas vajaga nūsamēst ceļūs un sirsniņi pateikt Kungam Jezam par tik lelu Jō žēlestību.

Woi war tyuleņ pēc Wysuswātoka Sakramenta pijemšonas it nu baznīcas ōrā?

Pēc Wysusvātoka Sakramenta pijemšonas pidar vysmozokajs minutu picpadsmīt lyugt Divu un Jam pateikt par taidu lelu Jō žēlestību.

Woi ir breiwi pijemt Wysuswātoku Sakramentu, kas pi grāku syudzešonas naw dabojis grāku atlaisšonas?

Kas nav dabojis grāku atlaisšonas un pijem Vysusvātoku Sakramentu, tys pelnej nōvīgu grāku.

PAR POSTORAS SWĒTĪBAS SAKRAMENTU.

Kas ir postora Swētība woi ar swātu Eleju apswaidišona? Postora Swētība ir nu Kunga Jezu istatits Sakraments, kas myus styprinoj padejā breidī pret kardynošonom, nuceļ grāku atlikas un dažu reizi arī atgriž veselību.

Kas un kod šū Sakramentu war pijemt?

Šū Sakramentu war pijemt ikvins katolis cylvāks, kas gryuti slymoj.

Cik reižu war pijemt šu Sakramentu?

Tymā pat slimībā vīnu reizi.

PAR BAZNICKUNGU ISWĒTEŠONAS SAKRAMENTU.

Kas ir Baznickingu iswētešona?

Baznickingu Iswetešona ir nu Kunga Jezus istatits Sakraments, kas dūd cylvākam varu turet Svātu Mišu, dalit ļaudim svatus Sakramentus, un cytas Diva žēlestibas.

Kas war iswetet baznickingus?

Baznickingus var isvētet tikai veiskups.

PAR LAULIBAS SAKRAMENTU.

Kas ir lauliba?

Lauliba ir nu Kunga Jezus istatits Sakraments, kas veirišam un sivitei, kuri apsulej sev milestību, dūd žēlestību sadarīgi dzeivot un divabailīgi barnus audzynot,

Kas war laulot?

Laulot var veiskupi un baznickingi.

Par lyugšonu.

Kas tys ir lyugšona?

Lyugšona ir prōta paceļšona uz Divu.

Woī wajaga mums lyugt Diwu?

Mums wajaga lyugt Divu deļ tō, ka pats Kungs Jezus mums tai pavēlēja.

Kai war lyugt Diwu?

Divu var lyugt ar vōrdim un dūmom.

Ku mes waram lyugt nu Diwa?

Mes waram lyugt nu Diva vysu, kas ir lobs un vajadzigs myusu izpestešonai.

Kod wysuwairok wajaga lyugt Diwu?

Vajaga lyugt Divu reitā, vokorā un vysuvairok kardynošonas un nalaimes laikā.

Kaida lyugšona ir wysuloboka?

Vysuloboka ir Kunga lyugšona voi „Tavs myusu“, un pec tos „Sveicynota“.

Par Diwa želestibu.

Woi mes spējam winigi ar sowim spēkim izpildit wysas bauslibas un izasorgot un wysim grākim?

Nā, vinigi ar sovim spēkim mes naspejam izpildit wysas bauslibas un izasorgot nu vysim grākim.

Kas mums ir waidzigs, lai mes spētu izpildit wysas bauslibas un izasorgot nu grākim?

Lai mes spētu izpildit wysas bauslibas un izasorgot nu grākim mums ir vajadzigs Diwa paleigs, kŭ mes saucam par Diwa želestibu.

Cikaida ir Diwa želestiba?

Diwa želestiba ir divejaida: swatdoruša un paleiga želestiba.

Kas ir swatdoruša želestiba?

Swatdoruša želestiba ir seviška Diwa dovona, kura myus dora par swatim, Divam pateikamim un dud mums tisibu uz dabasu valstibu.

Kod mes zaudejam šu swatdorušu želestibu?

Šu swatdorušu želestibu mes zaudejam, kad padoram kaidu novigu graku.

Kod mes dabojam atpakaļ šu swatdorušu želestibu?

Šu swatdorušu želestibu mes dabojam atpakaļ, kad pi graku syudzešonas Sakramenta izsyudzejam sowus grakus un dabojam ju atlaisšonu.

Woi waram byut izpestiti bez swàtdorušas želestibas?

Ná, nawaram.

Kas ir paleiga želestiba?

Paleiga želestiba ir seviška Diwa dovona, kura mums dūd spaku labi darit un nu ļauna sorgotis?

Kod Diws mums dūd šu paleiga želestibu?

Diws mums dūd šu paleiga želestibu pi ikkotra gadejuma, kad jej mums vajadziga.

Caur ku mes dabojam Diwa želestibu?

Diwa želestibu mes dabojam caur svātim Sakramentim un lyugšonu.

TREJS GOLWONI TYKUMI.

1. Ticiba, 2. Ceriba, 3) Milestiba.

ČETRI PAMATA TYKUMI:

Sapratiba, taisniba, sotiba, weiriškiba.

Tykums ir kad lobu dorbu daudz reižu izdorut sada dabojam pirodumu wai pijjukšonu tamā.

ŽELESTIBAS DORBI.

Priķš dwèseles:

1. Naprutušus pamocit,
2. Šaubigim dut lobu padumu,
- 3) Nusamaļdejušus uz ceļa izwest,
4. Nuskumigus ipricynot,
5. Apkaitynošonas pidūt,
6. Cyta waiņas pacitigi panest,
7. Lyugt Diwu par dzeiwim un numyrušim.

Priķš misas:

1. Olkonus pabarot,
2. Slopstušus padzirdit,
3. Plykus aptèrpt,
4. Ceļaweirus mojôs pijemt,
5. Sliminikus apraudzet,
6. Citumnikus izpèrkt,
7. Numyrušus paglobot.

KU IKWINAM KRISTITAM CYLWĀKAM WAJAGA TICET UN ZYNOT, KA BYUTU IZPESTETS?

Wajaga ticet un zynot:

1. Ka ir Diws, dabasu un zemes Raditojs.
2. Ka Diws ir wins trejôs Personôs: Diws Tāws, Diws Dāls un Diws Swatajs Gors.

3. Ka utra Swātas Trejadibas Persona, Kungs Jezus Kristus palyka par Cylwāku deļ myusu izpestešonas.

4. Ka Diws ir taisnigs tisotojs, kas par lobim dorbim ļaudim dūd dabasu walstibu un par grākim stropej ar eļnes guni.

TREJS PAŠI LOBI DORBI:

Lyugšona, gawens, pabalstit ubogus.

PICAS MISAS NUJYUTAS:

Redzešona, dzerdešona, usšona, baudišona, dasaduršona.

MINISTRANTURA.

Ministrants (tys kas it pi Miša kolpotu) pyrms izišonas nu zakristijas zemi pasaklona krystam, tad baznickungam, un tad it ar Miša gromotu pa prišku un pec jo baznickungs. Igojis baznicā, trejskort zwanej, kad ir dzižamajs Mišs, un winu reizi, kad ir skaitamajs Mišs. Dagojis pi oltora jis atsamat uz wina ceļa. Tu pašu dora kotru reizi, kad porit nu winas oltora puses uz utru—pret wydu. Tad ministrants nulik Miša gromotu uz oltora lekcijas pusē un pats porit uz utru, ewangelijuma pusi, kur atsamat ceļus pi oltora pakopinim. Rukas jam salyktas pret kryutim. Kad baznickungs nukopis nu oltora pakopinim mat krystu un soc ministranturu, tad ministrants atbild jam tu, kas zeimojas zam litera M.

Baznickungs: In nomine Patris et Filii, et Spiritus Sancti. Amen. Introibo ad altare Dei.

Ministrants: Ad Deum, qui laetificat juventutem meam.

B. Judica me Deus... et doloso erue me.

M. Quia tu es Deus, fortitudo mea: quare me repulisti et quare tristis incedo, dum affigit me inimicus?

B. Emitte lucem tuam... in tabernacula tua.

M. Et introibo ad altare Dei, ad Deum, qui laetificat juventutem meam.

B. Confitebor tibi.. et quare canturbas me?

M. Spera in Deo, quoniam adhuc confitebor illi: salutare vultus mei et Deus meus.

B. Gloria Patri et Filio es Spiritui Sancto.

M. Sicut erat in principio et nunc et semper et in saecula saeculorum. Amen.

B. Introibo ad altare Dei.

M. Ad Deum, qui laetificat juventutem meam.

B. Adjutorium nostrum in nomine Domini.

M. Qui fecit coelum et terram.

B. Confiteor... orare pro me ad Dominum Deum nostrum.

M. Misereatur tui omnipotens Deus et dimissis peccatis tuis perducatur te ad vitam aeternam. B. Amen.

M. Confiteor Deo omnipotenti, beatae Mariae semper Virgini, beato Michaëli Archangelo, beato Joanni Baptistae, sanctis Apostolis Petro et Paulo, omnibus Sanctis et tibi Pater, quia peccavi nimis cogitatione, verbo et opere: mea culpa, mea culpa, mea maxima culpa. Ideo precor beatam Mariam semper Virginem, beatum Michaëlem Archangelum, beatum Joannem Baptistam, sanctos Apostolos Petrum et Paulum, omnes sanctos et te, Pater, orare pro me ad Dominum Deum nostrum.

B. Misereatur... ad vitam aeternam. M. Amen.

B. Indulgentiam... Dominus. M. Amen.

B. Deus, Tu conversus vivificabis nos.

M. Et plebs tua laetabitur in te.

B. Ostende nobis, Domine, misericordiam tuam.

M. Et salutare tuum da nobis.

B. Domine exaudi orationem meam.

M. Et clamor meus ad te veniat.

B. Dominus vobiscum.

M. Et cum spiritu tuo.

Tad baznicks un nuskaites pa oltora pakopinim izkop pi oltora dažas lyugšonas soc:

B. Kyrie, elejson. — M. Kyrie, elejson.

B. Kyrie, eleison. — M. Christe, elejson.

B. Christe, elejson. — M. Christe, elejson.

B. Kyrie, elejson. — M. Kyrie, eleison.

B. Kyrie, elejson.

B. Dominus vobiscum.

M. Et cum spiritu tuo.

Pec tam baznickungs skaita lyugšonas; tos nubeigdams jis teic: „per omnia saecula saeculorum“. M. „Amen“.

Kad baznickungs nускаitejis lekciju dud zeimi, tad ministrants porceļ Miša gromotu uz „ewangelijuma“ pusi.

Kad baznickungs dagojis pi Miša gromotas soka: „Dominus vobiscum“—ministrants atbiļd: „Et cum spiritu tuo“.

B. *Sequentia Sancti Evangelii secundum Matthaeum.*

M. *Gloria Tibi Domine.*

Tad ministrants porit uz „lekcijas“ pusi uu stow, cikom baznickungs nubeidz ewangelijumu. Pec to jis soka „Laus tibi Christe“ un matas ceļūs.

B. *Dominus vobiscum.*

M. *Et cum spiritu tuo.*

Pec tam ministrants tyulit pajem „ampules“ un nulik tos uz oltora „lekcijas“ pusē. Tad grižas uz sowu witu un kad baznickungs uperej hostiju, jis zwanej. Pečok jis it sagatawot dwiliti, kuru padud baznickungam pec to, kad jam uzlej uz rukom yudini. Pec otkon sowā witā nusamat ceļūs.

B. *Orate fratres...*

M. *Suscipiat Dominus Sacrificium de manibus tuis, ad laudem et gloriam nominis sui, ad utilitatem quoque nostram totiusque Ecclesiae Suae sanctae.*

Pec eisom lyugšonom soka B.: *Per omnia saecula saeculorum.*

M. *Amen.*

B. *Dominus vobiscum.*

M. *Et cum spiritu tuo.*

B. *Sursum corda.*

M. *Habemus ad Dominum.*

B. *Gratias agamus Domino Deo nostro.*

M. *Dignum et justum est.*

Kad baznickungs izsoka wordus: *Sanctus, Sanctus etc.*, ministrants zwanej dewiņas reizes.

Kad baznickungs swetej hostiju daridams krysta zeimi, tad ministrants zwanej trejskort.

Kad baznickungs izsacejis maizes pormeišonas wordus matas ceļūs, tad ministrants zwanej trejs reizes.

Kad baznickungs ceļ hostiju uz augšu, tad ministrants zwanej trejskort. Kad baznickungs otkon matas ceļūs, tad ļozwanej trejskort. Taipat jodora pec weina pormeišonas.

Kad baznīckungs, pajemis lobajā rukai hostiju, dora ar ju krysta zeimi wers bīkera, tad jozwanej dewiņas reizes.

B. Per omnia saecula saeculorum. M. Amen.

B. Pater noster... Et ne nos inducas in tentationem.

M. Sed libera nos a malo.

B. Per omnia saecula saeculorum. M. Amen.

B. Pax Domini sit semper vobiscum.

M. Et cum spiritu tuo.

Kad baznīckungs pajemis kreisajā rukai patenu ar hostiju, ar lobu ruku syt kryutis sacidams „Domine, non sum dignus“ etc., tad ministrants zwanej treiskort. Pec ministrants ilej baznīckunga pasnagtā bikeri weina, tad baznīckungam uz perkstim wers bīkera izlej drusku weina un yudiņa. Golā pornas Miša gromotu uz „lekcijas“ pusi un pats atsamat ceļūs „Ewangelijuma“ pusē.

B. Dominus vobiscum. M. Et cum spiritu tuo.

B. Ite missa est (wai Benedicamus Domino).

M. Deo Gratias.

B. Benedicat vos omnipotens Deus, Pater, Filius et Spiritus Sanctus. M. Amen.

Kad baznīckungs Miša gromotu pamat atklotu, tad pec „Ite missa est“ wai „Benedicamus Domino“, ju jopornas uz utru pusi.

B. Dominus vobiscum. M. Et cum spiritu tuo.

B. Initium Sancti Evangelii secundum Joannem.

M. Gloria Tibi, Domine.

Kad Ewangelijumu nuskaita.

M. Deo gratias.

Kad ir mišs par numyrušim, tad jo isokumā aplaiž psalmu „Judica me, Deus etc.“. Pec „Introibo ad altare Dei tyulit skaita: „Adjutorium nostrum in nomine Domini“ un t. t. Tu Mišu nubeidzut wītā: „Ite missa est“ wai „Benedicamus Domino“ soka:

B. Requiescant in pace.

M. Amen.

LATWIŠI KATOĻI!

Skaitot lobas gromotas un sowl
winigu nedēļas laikrokstu

„Latgolas Wòrds“

Numurs moksoj tik **3** rub.!, pìsyutams uz tywóku posta
staciju par pusgodu—**70** rb., wysu godu tik **140** rb.

REDAKCIJA:

Rēzeknē, L. Nikolaja ila, № 38.
pi tipografijas „Dorbs un Ziniba“.

„LATGOLAS WORDS“ atspuguloj Latgolas dzei-
wi un aizstow zemnkus pret apspidžim un mō-
nītōjim-daudz sūlstōjim, bet wysa atjēmējim.

„LATGOLAS WORDS“ aizstow tu ideju, ka Lat-
wija waldātu taisnība un leidzība, ka wysim byu-
tu winaidas tīsfbas un pīnōkumi.

Kas grib, ka myusu molā byutu kōrtība, mī-
rīga dzeiwe un labklōjība, tys lai pyulejās wairōk
izplatit tō wysa aizstowatōju un weicynotōju
„LATGOLAS WORDU“.

Latwiši Katoli! Wysi skaitot sowl
awizi „Latgolas Wòrdu“